



Inatsisartunut ilaasortaq Hr. Jens Immanuelson, Siumut
Maani

Aalisartooq umiatsiaararsortooq aalisakkanik allanik aalisarnissamik kissaateqaruni aalisarnissamut akuersissummik allamik qinnuteqassanersoq pillugu Naalakkersuisunut apeqquut nr. 74-ip akineqarnera

19. april 2010
Sagsnr. 2010-029668
Dok. Nr. 359048

Postboks 269
3900 Nuuk

Tlf. (+299) 34 50 00
Fax (+299) 32 47 04

E-mail: apnn@nanoq.gl www.nanoq.gl

Inatsisartut suleriaasianni § 36, imm. 1 malillugu aalisartut umiatsiaararsortut aalisarsinnaanermut akuersissummut tunngatillugu qinnuteqarnissaannut apeqquummik saqqummiussaqaqputit. Apeqquut uannut akisassanngorlugu innersuunneqarpoq.

Apeqquut 1: Nalunaarummi qulaani erseqqissarneqartumi umiatsiaaraq aalisarsinnaanermut akiliisoq aalisakkanik akiliuteqarfigineqareersunut aalisarnermut allamut nuussaguni tamanna qinnuteqaatigeqqaasavaa?

1-imut) Aalisartooq umiatsiaararsortooq akuersissummik siullermik tunineqareerluni aalisakkanik allanik aalisarnissamut akuersissummik kissaateqarpat tamanna qinnuteqaatigissavaa, aalisarneq pineqartooq aalisarsinnaanermut akuersissuteqartussaaitaasunut ilaammat. Aalisarsinnaanermut akuersissuteqartussaaitaaneq ilaatigut atortuulersinneqarpoq oqartussaasut aalisakkat qanoq annertutigisumik tunisaanerinit naatsorsuinermit suliaqartartussaammata. Tunisaqarnermut atatillugu akuersissut uppermarsaatit atorneqartarpoq aalisarneq inatsisit malillugit ingerlanneqarsimaneranut uppermarsaatit. Ilisimatitsissutigineqarsinnaavoq, aalisartut umiatsiaararsortut aalisarsinnaanermut akuersissut siulleq tunniunneqartillugu 1.500 koruunit taamaallaat akiligassarimmassuk. Qinnuteqaatinut tulliuuttunut aalisartut umiatsiaararsortut aalisarsinnaanermut akuersissutinik tunineqassapput akileeqquneqaratik. Angallatinut (angallatit motoorillit, kutterinut) maleruagassat allat atuupput, aalisarsinnaanermut akuersissummik tunniussinermit taakkua 1.500 koruuninik akileeqquneqartarput, qinnuteqarnerit tamarmiusunut atuuttoq.

Apeqquut 2: Aamma tamanna aalisarsinnaanermut akuersissummik akiliuteqartinneqartartunut erseqqissummik nalunaarutigineqartarpa?

2-mut) Aalisarnermut, Piniarnermut Nunalerinermullu Naalakkersuisoqarfimmi innuttaasunut paasititsiniaanissaq ilitseruissarlu ataatsimut isigalugu sallerisaatinneqarput.

Aalisarsinnaanermut akuersissutit tunniunneqarneranni akiliuteqartitsinerup eqqunneqarneranut atatillugu ilaatigut kommunini inuussutissarsiutinut siunnersortinut paasititsiniaanernik ilitseruutinillu nassiussisoqarpoq.

Paasissutissat tamakku ilaatigut aalisartooq umiatsiaararsortooq aappasaanik pingajussaanilluunniit aalisarsinnaanermut akuersissummik kissaateqarpat

qinnuteqaqqinnissaq pillugu paasissutissanik ilaqarput. Aalisarnermut, Piniarnermut Nunalerinermullu Aqutsisoqarfimmit pissutsit tamakku nutaat pillugit aalisartunut paasissutissanik nassitsisarnissaq annertuumik pisariaqartinneqarmat eqqumaffigineqartorujussuuvoq, Aqutsisoqarfimmiillu aamma paasissutissanik ilitsersuutinillu nutaanik ingerlaavartumik nassiussisoqartarpoq. Aammattaaq KNAPK-ip ilaasortamininut atuagassiaanut Sineriassortoq-mut paasissutissanik ilanngussisoqarnikuuvoq, soorlu aamma ilisimatitsissutinik ingammik tusagassiutitigut nalunaaruteqarnikkut aamma allannguutit pillugit kommuninut allakkiaqartarnikkut. Kiisalu marts-i qaammatagaa radio-kkut aallakaatitsisoqarnikuuvoq atuisunut akiliuteqartitsisalerneq immikkut sammineqarluni.

Inussiarnersumik inuulluaqqusilluta

Ane Hansen
Aalisarnermut, Piniarnermut Nunalerinermullu Naalakkersuisoq